



Claudii Fleurii Abbatis Historia Ecclesiastica

Ab anno Christi 1521. usque ad annum 1525

Fleury, Claude

August. Vind. [u.a.], 1769

VD18 90118472

§. 91. Dissidiorum initia Lutherum inter & Carolstadium.

[urn:nbn:de:hbz:466:1-66495](#)

Sæcul. XVI. & absque humanitate, Judæo similior
 A.C. 152² quam Christiano, cuius ignorantia nullo magis luculento comprobatur argu-
Hofsinian. *sac. part. fol.* **132.** mento, quam illa explicatione, qua Christi Domini verba in institutione S. Eu-
 charistiae prolata corrupit, affirmans,
 quod Salvator noster, dum dixit: *Hoc
 est corpus meum nullatenus respexerit ad
 corpus, quod tradidit, sed duntaxat se-
 metipsum ostendere voluerit sedentem
 in mensa, prout erat cum suis Discipu-*
Hist. Variat. *I.2. §.8.* *lis. Ridicula prorsus explanatio,* inquit Mel-
 densis Episcopus, *quam ab homine ratio-
 ne utente inventam vix credas.*

§. XCI.

*Diffidiorum initia Lutherum inter &
 Carolstadium.*

Priusquam Carolstadius absente Lu-
 therò infulsam hanc interpretatio-
 nem excludisset, Wittembergæ sacras i-
 magines e templis ejecit, sacratissimi Sa-
 cramenti elevationem, ipsasque Missas,
 ut vocant, privatas abrogavit, & com-
 munionem sub utraque specie restituit.
 Non equidem Lutherus hasce novitates
 improbabat, sed importuno tamen tem-
 pore factas, parumque necessarias da-
 mnabat: *Omnès, ajebat, erraverunt, qui-
 cunque consenserunt ad abrogandam Missam,
 non quod bonum non fuerit, sed quod non
 ordi-*

ordinate factum est. *Ast dicis justum id* Sæcul. XVI.
esse ex Scriptura? fateor *& ego, sed ubi* A.C. 1522
manet ordo? quia ex temeritate factum est,
absque omni ordine, cum scandalo proximi?
Et nisi adeo mala res esset Missa, vellem eam
restituere, optarem omnes imagines in toto
mundo abolitas esse, sed prius imagines ex
populorum animis, in quibus insculptæ sunt,
eruere, illosque bene instruere vellem, postea
corporeæ hœ imagines sua sponte concident.

Nihil tamen vehementius Lutheri Ep. Luth. ad Casp. Gustol. 1522.
 indignationem provocabat, quam quod Carolfadius neglecta ejus auctoritate
 novi Doctoris officium sibi arrogaret; Serm. quid Christiano præstandum to. 7. fol. 273.
 quocirca Lutheri sermones, quos hac de re habuit, notatu digni sunt; quippe suppresso Carolfadi nomine illos, qui horum ausuum auctores existabant, increpabat, quod nulla legitima potestate, quam missione vocat, suffulti, tales ausus attentassent, perinde ac si sua audacia firmiori niteretur fundamento.
Tueri, inquit, facile illos possum contra Pontificem, ast non contra dæmonem in mortis articulo objicientem illud: omnis plantatio, quam non plantavit Pater meus cælestis, eradicetur, & illud: non mittebam Prophetas, sed ipsi currebant, non loquebar ad eos, sed ipsi prophetabant. Quid tunc respondebunt? in infernum præcipitabuntur.

Sæcul. XVI.
A.C. 1522.

In alio sermone, quem itidem Wittembergæ habuit, probare conabatur, ad tollendas morum corruptelas non tumultus, non manus, sed Verba esse adhibenda; *Dum enim*, inquit Lutherus, *suaviter dormiebam, aut cerevisiam cum Melanchtone hauriebam, verbum meum Papam tum fortius concussum, quam Principum ullus. Si cum tumultu agere voluisssem, nataret Germania in sanguine, nec Imperator Wormatiæ, ubi tum eram, securus fuisset.*

Nec tamen propterea Carolstadius sua ex parte obmutuit, sed ita a Lutherô lacefitus, doctrinam de præsentia reali impugnare aggressus est, non alio, quam æmulum suum exagitandi studio incitatus. Nec segnior Lutherus in odium Carolstadii S. Hostiæ elevationem, quamvis eam prius abrogare constituisse, nihilominus retinuit, ut ipsemet *Hospi. part.* fassus est. *Ne, inquit Diabolus nos do-*
Ep. ad Casp. fol. 188. *cuisse aliquid videatur.* Nec moderatius *Gustol. form.* scribebat in quadam epistola, in qua de *Miss. tom. 2.* Carolstadii reformatione agens, eidem *fol. 384. 386.* exprobrat, quod Christianismum reduxit ad res nihili, quales sunt, communionem sumere manibus, & sub utraque specie, abrogare confessionem, & confringere imagines.

Unum tamen articulum Lutherus in Carolstadio improbare non audebat, nempe

nempe impias, quas contraxit, nuptias; *Secul. XVI.*
 cum enim ipsem Lutherus sacrile- *A. C. 1522.*
 gum ejusmodi connubium inire consti-
 tuisset, pergratum ei accidit, quod Ca-
 rolstadius exemplo suo præire haud du-
 bitasset. *Hæ nuptiæ, inquietabat Luthe-*
rus, summa me afficiunt lætitia, itaque Deus
Carolsstadium corroboret in facinore, quod
nuper ad vitæ licentiam in Papistis repre-
mendam aggressus est. Ceterum hæreti-
 cus iste ex omnibus Germaniæ Eccle-
 siasticis primus fuit, qui publice con-
 nubium inire attentavit, ubi ejusdem
 discipuli ad celebrandum infamem hunc
 concubinatum epitalanium multis blas-
 phemiis unacum impietate respersum
 composuerunt.

§. XCII.

*Lutheri epistola ad comitia Ordinum
Bohemiarum.*

Effrænata in Dei Ecclesiam rabies Lu- *Steid.in com.*
 therum ad quævis audenda conci- *l. 3. p. 82. ff*
 tavit; unde Statuum, ac nobiliorum Vi- *83.*
 rorum arcana, quantum valuit, explo-
 rare intentus, eos ab unitate Ecclesiæ
 avellere nitebatur: Cum vero in Bohe-
 mia a Regni Ordinibus comitia cele-
 brari, ac Pontificis auctoritatem toto
 studio stabiliri comperisset, ad tantam
 prolapsus est audaciam, ut datis ad hu-

L 3 jus